

Pagpangitag Pagpabuhi

ADLAW 10 — UBAN SA PAGPANGITAG PAGPABUHI

“Dili pinaagi sa kusog, ni pinaagi sa gahum, kondili pinaagi sa akong Espiritu” (Zacarias 4:6).

Tulo ka mga Lakang alang sa usa ka Espiritohanon nga Pagsugod Pag-usab?

Gusto ka mosinati og espiritohanon nga pagbag-o dungan sa imong panimalay sa iglesia? Aniyay usa ka sinugyot nga plano nga naghatud ngadto sa espiritohanon nga pagpamata ug paglaum alang sa mga simbahan sa Germany, Englad, Tajikistan, ug sa Estados Unidos. Ang pagpabuhi mahitabo bisan asa, bisan diha sa mga sekular nga nasud, sa dihang ang katawhan sa mapinadayonon magtugyan sa ilang kaugalingon ngadto kang Jesus ug mangayo alang sa panalangin sa Balaang Espiritu.

Pag-ampo unsaon sa imong iglesia og panimalay o grupo sa pag-ampo nga makasinati og usa ka espiritohanon nga “pagsugod pag-usab” ning tuiga. Paghimog usa ka plano, pangitag tambag sa uban, ug magpatigayon og petsa sa pagsugod. Gusto nimo ipahaum ang imong mga alinghuna depende sa imong kultura, sa imong kumunidad, ug sa mga panginahanglan sa imong grupo.

We want to share the example of just one church in Decatur, Alabama, USA:

1. Pagsugod Pag-usab

Paggahin og pipila ka mga semana o mga bulan sa pag-ampo sa tinuyo alang sa Balaang Espiritu, uban sa pagtuon ug poseble usa ka hamubo nga libro nga pagdebosyonal.

Sa pagpangandam alang sa usa ka wali-serye, ang mga sakop sa iglesia sa Decatur nagsugod sa pag-ampo dungan sa simbahan sulod sa 30 minutos matag Sabado sa buntag. Sila nanagpahat og mga puntero diha sa bulletin sa pag-awhag og pag-ampo, pagpabuhi, ug sa buhat sa Balaang Espiritu. Sila usab naghimog *video seminar* mahitungod sa Balaang Espiritu sa duha ka gabii sa Sabado. Human sa seminar, sila nanagpang-apod-apod og usa ka nipis nga libro mahitungod sa espiritohanong pagpabuhi ug naghangyo sa mga membro sa pagabasa niini sulod sa sunod unom ka mga semana. (Sila nagpili sa libro nga *Steps to Personal Revival*. Ang uban pilianan naglakip sa *Steps to Christ* o usa ka giya sa pagtuon sa Biblia mahitungod sa pagpabuhi). Human niana, atol sa Napulo ka Adlaw sa Pag-ampo, sila nag-ampo alang sa pagpabuhi ug sa Balaang Espiritu ug nagsaulog og usa ka Sabad sa pag-ampo ug pagdayeg.

2. Pag-atiman sa Relasyon

Sugdi ang pag-ampo sa pagpataliwala alang sa lima ka mga wala maabot nga katawhan, unya tawgi sila ug ipadayon ang panaghigala diha sa usa ka paagi nga sinsiro ug minatarong. Atol ning panahona mahimong gusto ka magtuon og lain nga libro mahitungod sa pag-ampo o pagpabuhi. Ikonsiderar ang pagtuon sa tinagurha alang sa abag ug mas lalum nga pagpanabot.

Atol sa ikaduhang hugna, ang mga membro sa iglesia sa Decatur nagsugod sa pagtuon sa libro nga *40 Days: Prayer and Devotions to Prepare for the Second Coming* sa mga pundok nga tinagurha. Ingon nga resulta, ang ilang pagmaya sa pag-asoy sa uban mahitungod kang Jesus nagtubo. Sigon sa gisugyot diha sa libro, ang mga membro usab nagsugod sa pag-ampo alang sa lima nga wala maabot nga katawhan sa ilang mga kinabuhi. Unya sila nagtawganay niini nga mga panaghimamat o mga membro sa iglesia kanhi ug nagmintinar sa pagtawganay sa dugayng panahon. Kini miresulta sa mga bautismo ug mga panalangin alang sa duroha ang mga bag-ong membro ug niadtong mga nanag-ampo alang kanila.

Hunahunaa kini: kon 10 ka membro sa iglesia matag usa mag-ampo ug magmintinar sa kontak sa lima ka katawhan, kana mga 50 ka katawhan, ug kini motubo gikan didto. Sa kataposan sa 40 dias, pwede ka magdapit sa mga tawo nga imong giampo ngadto sa usa ka pinasahi nga Sabado alang sa mga bisita. Sunod, dapita ang matag tawo sa pag-apil og usa ka gamayng pundok (pagtuon sa Biliba, paglutog maayo nga pagkaon, paugnat sa kusog, mga aktibidadis sosyal, bisan unsay angayan alang sa interes sa tawo). Pwede sab ka makadapit nila sa tiabotay nga wali publiko. Ayaw kalimot sa pgtambong sa mga tigum uban sa imong mga higala ug ibati kanila nga sila giabi-abi.

3. Pagpahat

Ang matag membro makadapit sa katawhan nga ilang ginaampo sa pagtambong sa mga tigum sa wali, mga pagtuond sa Biblia diha sa gagmayng pundok, o sa atubangay nga pagtuon sa Biblia. (Kon pipila sa imong mga kontak sa pag-ampo dili pa andam alang sa mga pagtuon sa Biblia, dapita sila ngadto sa usa ka gamay nga pundok nga nagpukos sa natad sa interest, sama sa pagpaugnat sa kusog, paglutog maayong pagkaon, mga hilig, og mga aktibidadis sosyal).

Sa dihang ang iglesia sa Decatur naghimog wali, ang mga membro nakasinati og pagpabuhi ug usa ka mas lalum nga relasyon kang Jesus. Ang Balaang Espiritu naglihok sa mga kasingkasing sa mga dinapit nga bisita, ug 10 ka tawo naghatag sa ilang mga kinabuhi kang Jesus pinaagi sa bautismo (ang lima nagpabautismo human niadto). Ang mga resulta maoy usa ka pamatuod sa gahum sa pag-ampo! (Ang sugilanon sa Decatur gipahaum gikan sa usa ka taho ni Elida Menesis sa *Southern Tidings*).

Unsay Mahimo Sa Imong Iglesia?

Mag-ampo tanan ug mahimog plano alang sa imong iglesia karon. “Ang tibuok langit naglihok, ug ang mga manolunda sa Dios nagahulat sa pakigtambayayong sa tanan nga mohimog plano diin ang mga kalag nga gipakamatyan ni Cristo makadungog sa maayong balita sa kaluwasan. Ang mga manolunda nga nagministeryo niadtong nga manununod sa kaluwasan, nagaingon ngadto sa matag matuod nga santos: ‘Adunay buhat alang kanimo nga pagahimoon.’ ‘Lakaw, tindog ug isulti . . . ngadto sa katawhan ang tanan nga mga pulong ning kinabuhia’ (Buhat 5:20)” (*Testimonies for the Church*, vol. 6, pp. 433, 434).

Ang Dios nagapadala kanimo gawas ngadto sa kalibutan uban kining saara: “Unsay imong ginaplano dili molampos pinaagi sa kusog sa usa ka sundalo ni pinaagi sa tawhanong kusog; hinoon, ang akong Espiritu motapos niini! Ako, ang Ginoong Dios nga Makagagahum sa ngatanan, nagsaad niini” (Zacarias 4:6, gihubad gikan sa German *Hoffnung fuer Alle* nga bersyon).

Pag-ampo sa Pulong sa Dios

Ang Balaang Espiritu Motapos Niini.

“Unsay imong ginaplano dili molampos pinaagi sa kusog sa usa ka sundalo ni pinaagi sa tawhanong kusog; hinoon, ang akong Espiritu motapos niini! Ako, ang Ginoong Dios nga Makagagahum sa ngatanan, nagsaad niini” (Zacarias 4:6, gihubad gikan sa German *Hoffnung fuer Alle* nga bersyon).

Pinalanggang Amahan, suginli kami nga ang kalamposan wala magagikan sa tawanong paningkamot. Pasayloa intawon kami tungod sa kakulang sa gahum sa Balaang Espiritu. Buhia kami aron kami dili mahimong dagaang sama sa Laodicea. Pukawa kami alang sa among kaugalingong kaluwasan ug alang niana sa among mga silingan. Ug salamat sa walay kataposang pagmaya nga Imong gisaad.

Dugang nga mga Suyot sa Pag-ampo

Mga Pasalamat ug Pagdayeg: Paghatag og mga pasalamat alang sa mga tino nga panalangin ug dayga ang Dios tungod sa Iyng kamaayo.

Kompisal: Paggahin og pipila ka mga minutos alang sa pribado nga kompisal ug pasalamati ang Dios tungod sa Iyang pagpasaylo.

Giya: Hangyoo ang Dios sa paghatag og kaalam alang sa mga hagit karon ug sa mga desisyon.

Atong Iglesia: Hangyoo ang Dios sa pagpanalangin sa mga pangabudlay sa atong iglesia sa lokal, rehiyon, ug sa tibuok kalibutan.

Lokal nga mga Hangyo: Iampo ang mga panginahanglanon karon sa atong mga membro sa iglesia, panimalay, ug mga silingan.

Pamati ug Responde: Paggahin og panahon sa pagpamati sa tingog sa Dios ug responde diha sa pagdayeg og awit.

Mga Sugyot nga Awit

SDA Hymnal: Bringing in the Sheaves (#369); Stand Up, Stand Up for Jesus (#618); I Love to Tell the Story (#457); When We All Get to Heaven (#633). *Other Songs:* Pass It On; People Need the Lord; We Are His Hands.